



石藥爾雅序

夫爾雅者古人以訓釋難尋之所作也每想此
機捷妙無以加故朝廷用之兼經多歷年代余
西蜀江源人也少好道藝性攻丹術自弱至于
知窮究經方曾覽數百家論功者如同指掌
用藥皆是隱名就于隱名之中又有多本若不
備見猶畫餅夢桃遇其經方與不遇無別每噫
嗟此事悵恨無師由何意也因見參同契云未



石渠所刊
能悉究當施直義其理盡矣經曰吾欲結舌不言
言恐畏獲罪誅寫情於竹帛恐泄天之符故知
聖賢至道玄妙之法不欲流俗偶然之所聞解
也委曲其事令上士勤而習之使下士棄而
笑之理昭然也但恐後學同余苦心今附六家
之口訣衆石之異名象爾雅詞句凡六篇勒爲
一卷令疑迷者尋之稍易習業者誦之不難兼
諸丹所有別名奇方異術之號有法可營造者

條列於前無法難作之流具名於後時唐元和
丙戌梅彪序



稽古堂訂正石藥兩雅卷之上



唐梅彪集

明高承埏較

飛鍊要訣

釋諸藥隱名

玄黃花

一名輕飛 一名鉛飛 一名良飛 一名紫粉

鉛黃華

一名黃丹 一名軍門 一名金柳 一名鉛華 一名華蓋 一名龍汗 一名九光丹

錫精

一名黃精 一名玄黃 一名飛精 一名金公華 一名黃牙 一名伏丹 一名制丹 一名黃

輕一名黃舉一名紫粉一名黃華一名黃龍
一名黃池一名河車一名太陰一名金精一
名金公河車一名素
丹白豪一名假公黃

鉛精

一名素金一名天玄飛雄一名幾公黃一
名立制太陰一名虎男一名黑虎一名玄武
一名黃男一名白虎一名黑金一名青金

水銀

一名汞一名鉛精一名神膠一名姪女一
名玄水一名子明一名流珠一名玄珠一
名太陰流珠一名白虎腦一名長生子一名
玄水龍膏一名陽明子一名河上姪女一名

天生一名玄女一名青龍一名神
水一名太陽一名赤汞一名沙汞

水銀霜

一名金液一名吳沙汞金一名白虎腦
一名金銀虎一名赤帝體雪越越名水

銀雲

丹砂

一名日精一名真珠一名仙砂一名汞砂
一名赤帝一名太陽一名朱砂一名朱鳥

一名降陵朱兒一名絳宮朱兒一
名赤帝精一名赤帝髓一名朱雀

雄黃

一名朱雀筋一名白陵一名黃奴一名男
精一名石黃一名太甸首中石一名天陽
石一名柔黃雄一名丹山月鬼一名溱黃

雌黃

一名帝男精一名帝男血一名迄利迦
一名帝女血鍊者一名玄臺月半鍊者一
名黃龍血生一名黃安鍊者一名赤厨柔

赤雌

鍊者一名帝女廻一名帝女署生帝女
血黃安赤厨柔雌已上鍊者玄臺丹半

石硫黃

一名黃英一名煩硫一名硫黃一名石
亭脂一名九靈黃童一名黃礪砂一名

山不
住

硃砂 一名金賊 一名赤砂 一名粗砂 一名濃砂
一名白海精 一名粗砂 黃 一名黃砂 一名

赤紐
砂

曾青 一名樸青 一名赤龍翹 一
名青龍血 一名黃雲英

空青 一名青要中女 一名
青油羽 一名青神羽

磁石 一名玄石 拾針 一名玄水石 一名處石 不
拾針者 一名綠秋 一名伏石 母 一名玄武

石 一名帝流漿
一名席流漿

陽起石 一名白石 一名五精全陽 一名五色
芙蓉 一名五精金精 一名五精陰華

理石 一名立制石 與石膽同名
一名肥石 一名不灰木

胡桐律 一名胡桐淚
一名屈原蘇

金牙 一名虎
脫幽

石鍾乳 一名公乳 一名盧布 一名殷孽 一名葛
石 一名乳華 一名通石 一名乳林 一名

夏乳根 一名殷孽根 一名孔
公孽 一名逆石 一名石華

胡粉 一名錫粉 一名鉛粉 一名丹地黃 一名流
丹 一名解錫麤者 一名鵲粉 一名流丹白

豪 一名
白膏

白玉 一名玉札 一名純陽主 一名玄
真赤玉 一名天婦 一名延婦

白青 一名魚目青

綠青 一名碧青 一名畢石 一名備青即

石綠 又名銅勒

石膽 一名黑石 一名碁石 一名銅勒 一名石液 一名立制石 一名擅搖持 一名制石液

雲母 一名玄石 一名雲華五色 一名雲末赤 一名雲英青 一名雲液白 一名雲沙青 一名

磷石白 一名雲膽黑 一名雲起 一名泄涿 一名雄黑 一名雨華飛英 一名鴻光 一名石銀

一名明石 一名雲梁石 一名浮雲滓

消石 一名北帝玄珠 一名昆詩梁 一名河東野 一名化金石 一名化金石生 一名粉石

朴消 一名東野 一名單丹 一名海末

白礬石 一名羽澤 一名黃石 又名黃老

雞矢礬 一名玄武骨 一名赤龍翅 一名尋不見石赤者

滑石 一名石液 一名共石 一名脆石 一名雷河管子 一名冷石 一名雷石

紫石英 一名紫陵文寶

白石脂 一名白素飛龍

白石英 一名素玉女 一名白素飛龍 一名華 一名水精 一名宮中玉女五色

青石脂 一名五色赤石味 一名黑石脂 一名黑石

太一禹餘糧

一名石脂 一名餘糧 一名天師食 一名山中盈脂 一名石餘餅

雞矢礬石

一名青鳥 一名齒 一名五色山脂

握雪礬石

一名化公石 持生 一名鼠生母

太陰玄精

一名藍精 一名玄明龍膏 與衆同名

太陽玄精

一名無主

凝水石

一名水石 一名寒水石 一名變水石 一名冰石

礬石

一名白虎 一名白龍 一名制石 一名秋石 一名日礬 一名固羊 一名太石 一名倉鹽

石膏 一名細石

長石

一名方石 一名土石 一名直石

青琅玕

一名石味 一名青 一名白青

方解石

一名方石

石脂

一名石脂 一名青膏 一名流石 一名石脂 一名文脈 一名青膏 一名流池 一名常流石

牡蠣

一名石雲 一名石雲

金

一名庚金 一名庚金 一名黃金 一名庚金 一名庚金 一名庚金 一名庚金 一名庚金

銀

一名山銀 一名山銀 一名山銀 一名山銀 一名山銀 一名山銀 一名山銀 一名山銀

琥珀

一名琥珀

藥明
一名大
一名小

能治
一名大
一名小

白鹽
一名青
一名赤

水精精
一名青
一名赤
一名白

紫石藥
一名西
一名東
一名南
一名北

西流澤味
一名石
一名水
一名石

名倒行
神骨

代精
一名血
一名白

鹵鹹
一名青
一名石

大鹽
一名石
一名印
一名海
一名食
一名味

石鹽
一名石
一名味

黑鹽
一名黑
一名武
一名北
一名玄
一名武
一名北

赤鹽
一名赤
一名味

白鹽
一名白
一名味

青鹽
一名青
一名味

右四鹽並合藥造作諸物名聖無知

烏頭 一名黃

附子 一名烏烟 一名香 附子 一名烏頭子

鬱金 一名五帝足 一名黃鬱 一名烏頭

五牙者穀粟豆黍大麥等牙是也 又一本云粟黍蕎豆麥也

桑汁 一名帝女液 一名鵠頭血

蔥涕 一名空亭液

覆盆子 一名缺盆 一名龍骨 一名雲水 一名白馬汁 一名秋膠 一名義物錫

西龍膏 一名黃龍膏 一名黃澤 一名五穀孽 一名童兒木

桑樹上露 一名上清

白露汁 一名白雲滋

蚯蚓屎 一名龍通粉 一名蚶場土 一名地龍粉 一名寒獻王 一名土龍屎

白茅 一名白羽草

桑木 一名命食

蘇膏 一名三變柔 一名三變澤生 一名谷金生

白項蚯蚓汁 一名玄龍地強汁 一名土龍膏 一名土龍血

白僵蠶 一名蟻腦子 一名白苟

白狗膽 一名獸汁 一名陰龍瓠汁 一名陰色白狗糞 一名龍膏

狗尿 龍汁 一名陰

白狗耳上血 一名白龍染 一名陰龍膏瓠汁

黑狗糞汁 一名黑龍 一名陰龍膏

黑狗血 龍汁 一名陰

牛乳汁 一名蝨蟪漿 一名首男乳

牛膽 獸當門 一名陰

黃牛糞汁 獸精汁 一名陰

水牛脂 一名鳥衣脂 一名黑帝鳥脂 一名鳥帝肌

羊脂 物脂 一名味

猪頂上脂 一名肩革脂 一名黑龍脂 一名黑帝孫肌 一名玄生脂

猪脂 龍膏 一名陰

大蟲睛 一名山君目 一名王母女瓜

母猪足猴猴頭 一名封君 一名二千石腦

鶴鵲血 鳥汁 一名陰

雨水汁 一名雲 光液

野鵲腦 一名紫

鯉魚眼睛 一名水

馬糞 一名馬通

蝟脂 一名猛

螢火蟲 一名後宮遊女

蜂子 一名飛軍

蜂 一名羅叉

蜜 一名百卉花醴

箬麻火 一名虛

鰾膠 一名天筋縫鰾

蝦蟇皮 一名龍

蛇脫皮 一名龍子衣 一名脫

牆上草 一名土

楸木耳 一名金酒芝

草陸根 一名芬華

桃膠 一名薛

竹根 一名恒生骨

松根 一名千歲老翁腦

栢根 一名太陰玉足

石苔衣 一名長生石

松脂 一名丹光之母 一名木公脂 一名丹光母 一名波羅脂

牡丹 一名兒長生

青牛苔者 一名鹹

西獸衣者 一名駝毛

石灰 一名五味 一名白灰 一名味灰 一名惡灰 一名希灰 一名染灰 一名散灰

甘土 一名白單 一名白墻 一名丹道 一名土精

黃土 一名黃牛母

赤土 一名精聖

黃鸚頭 一名黃鳥首

莧根 一名地筋

鼎 一名天器 一名登瓦 一名陰華明蓋 一名赤色門

鐵釜 一名金匱 一名登日 一名地下釜

石藥

卷一

三

土釜 一名天器 一名神室 一名赤門 一名神釜 一名非赤堅 一名土鼎

陰華羽蓋 一名釜蓋 一名登瓦

陽曹萼 一名釜底

越竈 一名風爐

酢 一名左味 一名玄池 一名華池 一名玄明 一名玄水 一名弱水 一名神水 一名苦酒 一名

青龍味 一名西海父 母 一名醋 一名醢

銅青 一名黃龍

五茄皮 一名牙石

地榆 一名豚榆係

蜂 一名蜂精

砌黃 一名黃龍華 一名赤帝華精

井華水 一名五水 一名露霜 一名雪雨

鉛丹 一名黃龍肝

燭燼 一名夜光骨

桑寄生 一名木精

地黃 一名土精

黃精 一名重樓 一名克竹 一名新格 一名教期

茯苓 一名天精

天門冬 一名大當門根

蜂子蜜 一名白葩

澤瀉 一名萬歲

未嫁女子月水 一名童女月

小兒尿 一名水精 一名仙人水

水泡沫 一名海潮沫

五茄地榆 一名紫灰

肉蓯蓉 一名地精

死人血 一名文龍血

杏人 一名木落子

白昌 一名地心

持子屎 一名摩幾

烏頭沒 一名附琴 一名黃

人糞汁 一名玄精

紫鍾一名尚田丹

千尋子一名大調汁

牡荊子一名夢子

蝙蝠一名伏翼

青蚨生雀南形女婢也

更有子東灰紫亭脂此是大丹之事

至藥元君不許妄傳為盟誓重此不敢載矣

稽古堂訂正石藥爾雅卷之上

稽古堂訂正石藥爾雅卷之下

唐梅彪集

明高承璉較

載諸有法可營造丹名

太一金丹太一玉粉丹太一金膏丹太一小還

丹還魂駐魄丹召魂丹太一玉液丹華陽玉漿

丹華漿太一龍胎丹太一三史丹光明麗日丹

熱紫粉丹黃丹小神丹安期先生丹太一足火

丹真人蒸成丹硫黃液丹裴君辟祭丹無忌丹
 主君雞子丹東方朔銀丹石湯赤烏丹冷紫粉
 丹太一小玉粉丹太一小金英丹韓眾漆丹雄
 黃紫油丹劉君鳳駢年丹五嶽真人小還丹紫
 遊丹太一赤車使者八神精起死人仙丹太一
 一味礪砂丹太一八景四藥紫漿五珠絳生丹
 四神丹良雪丹八石丹八神丹流黃丹龍珠丹
 龍虎丹龍雀丹五靈丹紫蓋丹三奇丹朝霞丹
 肘後丹凌霄丹羨門丹日成丹穀汁丹七變丹
 太黃丹菟血丹日丹酒丹棗丹蜜丹乳丹椒丹
 太一琅玕丹杏金丹紫金小還丹石腦丹石
 脂丹紅槿丹紫霞丹石膽丹紫蓋丹

釋諸丹中有別名異號

召魂丹

一名返魂丹 一名更生丹
 一名飯命丹 一名金生丹

無忌丹

一名堅骨丹 一名無
 畏丹 一名凝神丹

紫遊丹

一名步虛丹 一名舉輕丹 一名到
 景丹 一名華景丹 一名凌虛丹

不... 三...

四神丹 一名太一神丹 一名神變丹 一名神液丹

良雪丹 一名水銀霜丹 一名流珠素霜丹 一名玄珠

絳雪丹 一名太陽紅粉丹 一名朝霞散彩丹 一名夕月流光丹 一名傾相珠丹 一名凝塔

積雪丹

五嶽真人小還丹 一名金精丹 一名仙

太一小還丹 一名太清丹 一名朝景丹 一名凝霞丹 一名落耀丹 一名絳雪丹

太一硫黃丹 一名太陽玉粉丹

八石丹 一名麗日丹 一名度死丹 一名濟世丹

龍珠丹 一名虹丹 一名垂露丹 一名金光丹 一名吐耀丹

還魂駐魄丹 一名駐顏丹 一名朱雀丹 一名定神丹 一名延齡丹

八神丹 一名昭日丹 一名流霞丹 一名入精丹 一名神光丹

華陽玉漿丹 一名陽元丹 一名玉髓丹 一名靈壽丹

太一赤車使者八神精起死人丹 一名還神丹 一名迴命丹

太一小玉粉丹 一名素紹丹 一名玄

太一小金英丹 一名陽明丹 一名玄

一名通靈丹 一名再生丹

一名素紹丹 一名玄

一名陽明丹 一名玄

太一金液華丹

一名金華丹 一名天真丹 一名金仙丹 一名躡雲丹

太一一味雄黃丹

一名赤流珠丹 一名素耀丹 一名赤耀丹 一名紅紫相間

丹

太一八景四藥紫遊玉珠生神丹

一名黃老丹 一名虛無丹

一名含漿丹 一名散華丹

太和龍胎丹

一名持節丹 一名捧香丹 一名獻壽丹

太一三使丹

一名捧香丹 一名持節丹 一名奔命丹 一名控鶴丹 一名凌霄丹 一名使者丹

五靈丹

一名昇霞丹 一名太一使者丹 一名靈華丹 一名太一使者丹

五石丹

一名五星丹 一名五精丹 一名五彩丹 一名五帝丹 一名五嶽丹 一名五霞丹

一名八仙丹 五石者空青東朱砂南白礬西磁石北雄黃中

太一一味礪砂丹

一名飛翼丹 一名鹽粉丹 一名素砂丹 一名定神丹 一名

丹 疑華

敘諸經傳歌訣名目

太清經玉鳥經九霄君經廣成君經狐剛子粉

圖經抱朴子金丹經真人天玄錄面上經狐剛

子河車經陵陽子經黃仙子經稷丘子經青林

子訣泉石子論九元子訣青霞子訣黃帝纂要
經玄女錄圖中經茅君金藏經茅君丹陽經銅
柱經黃老金公經元君經雲宮玉華經四海神
水記八公枕中記金碧潛通火記玄女五符記
金石靈臺記石壁記洪寶記天台石室記召河
伯記謁上皇日月記紫房虎書記山嶽流傾記
流金火鈴記落羽建青記陰長生守爐記迴老
返嬰記猛將朱兵記七返靈砂歌八仙歌中還

歌三白歌參同契魏君訣參同指歸太清訣衛
靈訣九奇訣傳道訣龍雀隱訣登真隱訣塗山
訣守真全生訣句留訣金靈訣五鹽訣金樓先
生訣角里先生訣鼓下錫黃訣東林集琳房集
丹瓊集八紀集契道祕錄隋唐祕錄白子高玄
圖錄太清丹論混成論胡王冶葛論金石論婆
落魔地神伏火論五明論太清太鏡司馬鍊師
精義論紀仙玄鏡中還經杏金經青龍地經龍

虎丹經丹家病源六甲玉女訣行厨金盤玉饌
訣黃寧訣李少君訣西蜀樊德先生伏火訣太
原胡列山人訣吉章經東都陳少府訣王倪伏
火丹砂傳孫思邈經揚羅開伏火丹砂傳麻姑
入石傳蘇遊經清源經太山孫杓赤龍金虎歌
中還丹論

顯諸經記中所造藥物名目

造紫河車爲轉寧王金苟子法黃攀伏火法五
石蒲樞法安靜虛無法造藥歸色法令飛法令
飛者伏法令飛者飛法玄女如意解五尸法造
通明金虎符法造通明九流符法造朱雀符法
造通明青龍符法造通明玄武符法造黃龍表
符法造金經符法造石精法造乘龍符法造五
色鹽法造五色銅法造三精六液法造五色鉛
金法造三十六水法造行厨招遠法鍊雄黃法
造水法鍊五礬法太一禹餘糧法鍊鍾乳法鍊

紫石法服玉法鉛華法消玉法玉丸法玉漿法
 柔玉法伏米法伏金法造金液華池法造牡荆
 酒化藥法造朱砂酒法造理石酒法造金粉法
 造銀粉法造銅粉法造鐵粉法造金膏法造銀
 膏法水銀膏法造柔赤期法柔黃雌法造白河
 車法赤河車法單青河車法造黃華法砒硝河
 車法石亭脂河車法東野河車法鑱河車法紫
 河車法造銅青法五鹽法雄雪法雌雪法玄女

五符法玄女白雪飛符法造鉛白法玄女神丹
 九轉法造飛霜赤雪法造玄黃法作噴食法造
 石灰煎法造玄珠法涓子菊華九變法元子神
 鐵法作水華法土龍沟法伏雄黃法伏雌黃法
 鍊礬石法伏空青法造銀玄珠法造鉛拒火法
 造空亭液法柔燦法拒鑱法液蠟法造鉛華法
 作灰極法作水極法造鍊雌法造炮礬法造黃
 博法造礬華池法九轉鉛精法造大黃牙法青

丹牙法漏鼎牙法秋石牙法苞裏流帝漿牙法
攪柳牙法泥鉛法縮賀法造烏鉛法造黑銅法
液銀法造鉛粉法鑰石粉法小還丹牙法造黑
牙法水鍊雲母粉法

右件經方世上並有文本或可以資經貸利
或可以養性全生但遇一方並可營造若遍
留意其途實繁然此衆之中唯道有優劣但
隨閑器之所入而各尋其所好也故水不可

以乘駿駁陸不可以駕輕舟稻粱菹肉終何
於飽麻紵絜綱終同於煖飽煖雖一而精麤
有殊逐甘利者卽重小丹如金好延生者卽
敬大丹似寶金寶之利各齊其分故具載於
前矣

論諸大仙丹有名無法者

黃帝九鼎丹大仙昇霞丹紫青仙童丹太和龍
胎丹張真人靈飛丹太一八景丹馬明生白日

升天丹金液華丹茅君白靈丹白雲赤雪丹絳
靈垂壁丹七精辟惡丹三昧消災丹九光神景
丹流霞鮮翠丹含暉吐耀丹太清五色丹北帝
玄珠丹神光散馥丹凝霜積雪丹奔星却月丹
墮月驚心丹感靈降真丹通神役使丹九變丹
大還丹九成丹紫精丹按楚澤經已上諸丹並
是往古得道者出世仙丹服之白日昇天身生
羽翼變化自在坐有立無藥味方法旣非塵俗
功夢中神受者不可得其方法也

稽古堂訂正石藥爾雅卷之下



三

入
卷
辛

劇談錄序

將仕郎崇文館校書郎康駢述。

駢咸通中始隨鄉賦以薄伎貢於春官爰及竊
名殆將一紀其間退黜羈寓旅乎秦甸洛師新
見異聞常思紀述或得史官殘事聚於竹素之
間進趨不遑未暇編綴及寇犯天邑挈歸漁樵
屬江表亂離亡逸都盡景福乾寧之際耦耕於
池陽山中閉關雲林罕值三益而又環堵之內

關於墳典思欲敘他日之遊談迹先王之軌範
不可得矣然則平昔之道本爲於文旣未能立
匡世之功名又安得捨窮愁之翰墨因想時經
喪亂代隔中興人事變更邈同千載寂寥堙沒
知者漸稀是以耘耨之餘粗成前志所記亦多
遺漏非詳悉者不復敘焉分爲二編目之曰劇
談錄文義旣拙復無雕麗之詞亦觀小說家流
耶以傳諸好事者乾寧二年建巳月池州黃老

山白社序

劇談錄目錄

卷上

宣宗夜召翰林學士

劉平見安祿山魑魅

王鮪活雀相公歌妓

御史灘

渾令公李西平葬朱泚雲梯

潘將軍失珠

李鄴侯救竇庭芝

續坤騮馬

龍待詔相笏

丁重相子
駟馬附

孟才人善歌

袁相雪換金縣令

郭鄰見窮鬼

裴晉公天津橋遇老人

狄惟謙請雨

王侍中題詩

道流相夏侯譙公

華山龍移湫

田彭郎偷玉枕

洛中大水

李朱崖知白令公

卷下

劉相國宅

李相國宅

慈恩寺牡丹

管萬敵遇壯士

張季弘逢惡新婦

玉藥院真人降

宰相布施

崔道樞食井魚

洛中豪士

鳳翔府舉兵討賊

老君廟畫

白傅乘舟

嚴史君遇終南山隱者

韋顓梟鳴

命相日雨雹

李生見神物遺酒

說方士

廣謫仙怨詞

含元殿

曲江

真身

元相國謁李賀

稽古堂訂正劇談錄卷上

唐 康 駢 駕言 撰

明 高承埏 寓公 較

宣宗夜召翰林學士

宣宗皇帝聖政欽明光宅天下常欲刑濇俗富有宵衣旰食之懷仄席竚賢每如不及令狐相國自吳興郡守授司勳郎中未居內署初與學士候對便以為有宰輔之才一夕於禁林寓直

忽有中使來召行百餘步至于便殿遣內人秉
燭候之引於御榻之前上自宣令坐問卿來從
江表見彼中岬庶安否廉察郡守字人求瘼之
道如何朕常思四海之大九州之廣雖明君不
能自理常須良弼賢佐邇來竊窺朝廷皆未覩
其忠赤相國降階俯伏曰聖意如此微臣便卷
得罪上曰卿纔爲翰林學士所職者朕之絲綸
向來之言奉不相及旣而復宣令坐俾御以玉

杯斟酒賜之有小案置於御床案上有書兩卷
指謂相國曰朕聽政之暇未嘗不披尋史籍此
讀者先朝所述金鏡一卷則尚書太禹謨復問
卿曾讀金鏡否對曰文皇帝所著之書有理國
理身之要披閱誦諷不離於口上曰卿試舉其
要相國跪於御前抗聲而誦至亂未嘗不任不
肖理未嘗不任忠賢任忠賢則享天下之福任
不肖則受天下之禍上止之曰朕每讀至此未

嘗不三復後已書又云任賢勿貳去邪勿疑是
則欲致昇平當用此言爲首相公拊舞而稱曰
先臣父每言金鏡垂裕可爲萬古格言自非聰
明文思無以探其壺奧況堯舜禹湯之道在典
護訓誥之間陛下不以黃屋爲尊每觀之於夙
夜將欲擇賢舉善使庶績咸熙如此則功冠百
王事超二五矣上曰曩者仰卿材器今日親卿
詞學臨軒竚立久之謂中使曰持燭送學士歸

院及還禁林夜漏將半咸以近臣恩澤殆無其
比繇是注意益深居歲餘遂爲宰相自郡守至
於台鉉首尾纔經二載嘗自郊壇迴渭南尉趙
嘏上詩云鸚在卿雲水在壺代天材業奉訐謨
榮同伊陟傳朱戶秀比王商入畫圖昨夜星辰
迴劍履前年風月滿江湖不知機務時多暇猶
許詩家屬和無
議曰凡懷才抱器有時而通非得苟容雖遇不

顯向使明主有任賢之意近臣無專對之能徒
彰妄進之譏方病退慙之說殊恩厚渥豈及於
身是以君子勵志飭躬以遭逢之運良有旨哉

劉平見安祿山魑魅

咸通中有五經博士盧肇得神仙保養之道自
言生於隋代宿德朝士皆云見於童幼奕世奉
言之不窮年壽云安史之亂隱於終南山中其
後或出或處先是令狐相公諭以柱下漆園之

事稍從宦於京師常話與處士劉平執友修道
平天寶中居於齊魯間尤善吐納之術能夜中
視物不假燈燭安祿山在范陽厚幣致於門下
平見祿山左右常有鬼物數十殊形詭狀持鑪
執蓋以爲導從平心異之謂祿山必爲人傑及
祿山朝覲與平俱至輦下行至華陰縣值葉天
師授龍於西嶽平見二青衣童子承虛而至所
衛祿山魑魅皆棄鑪投蓋狼狽而行平因知祿

山爲邪物所輔必不以正道克終及祿山却歸
范陽遂逃入華山而隱

王鮪活崔相公歌妓

鳳翔少尹王鮪

侍郎疑之叔也

年十四五與兒童戲於

果園竹林下見二枯首爲糞壤所沒乃令小僕
擇淨地瘞之祭以酒饌其後數夕陰晦忽聞牕
外窸窣有聲良久問之云某等受郎君深恩免
在蕪穢未知所酬耶願以驅策邇來凡有吉凶

先兆盼嚮必來潛報如此數年遂與靈物通徹
崔相國珙爲度支使雅知於鮪一夕留飲家釀
酒酣稍歡云有小妓善歌得於親友因令左右
召之良久不至相國俄而自歸內見理粧纒罷
忽病心痛請飲湯而出相國恠而問之云適見
一人著短後緋袍控馬而去語未畢家僕遽報
中惡救之不及矣相國悲惋不已鮪密言有一
事或可救之然須得白牛頭及酒一斛因召左

右試令求覓有度支所由幹事者徑詣東市肉
行以善價取之將牛頭而至鮪令扶策歌者置
於淨室榻前以土盆盛酒橫板用安牛頭設席
焚香密封其戶且戒曰專伺之曉鼓一動聞牛
吼當急開戶可以活矣鮪既去久而無聲禁鼓
忽鳴果聞牛吼開戶視之歌者微喘盆中斛酒
悉乾牛目怒出於外數日之後方述前事云其
夕治粧既畢有人促召出門乘馬而行約數里
見有室宇華麗其間列筵張樂四座皆朱紫少
年見歌者至大喜致於女妓中歡笑方洽忽聞
人大叫聲震庭廡坐中皆失色相視妓樂俱罷
俄見牛頭人長丈餘執戟徑趨而入無不狼狽
而走唯歌者在焉牛頭者引於堦前背負而出
纔數十步忽覺臥於室內邇後相國詢其由鮪
終不言盡其事

河南府伊闕縣前臨大溪每僚佐有入臺者卽水中先有小灘漲出石礫金沙澄澈可愛牛相國爲縣尉一旦忽報灘出翌日宰邑者與同僚列筵于亭上觀之因召耆宿詢其事有老吏云此必分司御史非西臺之命若是西臺灘上當有雙灘鶴立前後居人以此爲則相國潛揣縣僚無出於已因舉杯祝曰旣能有灘何惜一雙灘鶴宴未終俄有飛下不旬日拜西臺監察御

史

渾令公李西平夔朱泚雲梯

朱泚之亂德宗皇帝車駕出幸奉天是時泚邊藩鎮皆已舉兵扈蹕泚自率兇渠直至城下有西明寺僧陷在賊中性甚機巧教泚造攻城雲梯其高九十餘尺上施板屋樓櫓可以下瞰城中渾中令李司徒奏曰賊鋒旣盛雲梯又壯若縱之誠恐不能禦及其尚遠請以銳兵挫之遂

率王師五千列陣而出于時束蘊居後約戰酣
而燎風勢不便火不能舉二公酌酒抗詞拜空
凶器敢以狂孽來犯乘輿今擁衆脅君將逼城
壘城等誓輸忠節志殄妖氛若社稷再興威靈
未泯當使雲梯就蕪逆黨永銷於是詞情慷慨
人百其勇俄而風勢遽迴鼓譟而進火烈颺駭
煙埃漲天梯燼卒奔賊遂退劔德宗皇帝御樓

以觀中外咸稱萬歲及尅復京國二公勲績爲
首寵錫茅土銘鏤鐘鼎匡扶社稷終始一致其
後李司徒有子四人皆分部節制忠烈榮耀于
今藹然

李司徒嘗於左廣効職久未遷昇聞桑道茂
善相人賫絹一匹凌晨而往時道茂傾信者
甚衆造謁多不見之聞李公在門親自迎接
施設肴醴情意甚專旣而問之謂曰他日建

立勲庸貴盛無比或事權在手當以性命爲
託李公莫測其由但慙唯而已請廻所貺縑
換李公所著汗衫子仍請於襟上書名云他
日見此相憶及泚之叛道茂陷在賊庭旣尅
復京師從亂者悉皆就戮李公受命斬決道
茂將就刑請致分雪之詞遂以汗衫爲請李
公奏以非罪遂令原之

潘將軍失珠

京國豪士潘將軍任光德坊

忘其名時人呼爲潘鶻肆也本

居襄漢間常乘舟射利因泊江孺有僧乞食留

之數日盡心檀施僧謂潘曰觀爾形質器度與

衆賈不同至於妻孥已來皆享巨福因以玉念

珠一穿留贈云寶之不但通財他後亦有官祿

旣而遷貿數年藏鏹巨萬遂均陶朱其後職居

左廣列第京師常寶念珠貯之以繡囊玉合置

之於道場內每月朔則出而拜之一旦開合啓

囊已亡失珠矣然而緘封若舊他物亦無所失
於是奪魄喪精以爲其家將破之兆有主藏者
嘗識京兆府停解所由王超年且八十已來因
密話其事超曰異哉此非攘竊之盜也其試爲
尋之未知果得否超他日因過勝業坊北街時
春雨新霽有三鬟女子年可十七八衣裝藍縷
穿木屐立於道側槐樹下值軍中少年蹴踘接
而送之直高數丈於是觀者漸衆超獨異焉及

罷隨之而行止於勝業坊北門短曲有母同居
蓋以紉針爲業超異時因以他事熟之遂爲甥
舅然居室甚貧與母同臥土榻烟麈不動者往
往經于累日設有羞時有水陸珍異吳中初進
洞庭橘子恩賜宰臣外京輦未有此物密以一
枚贈超云有人從內中出而稟性剛決超意甚
疑之如此往來周歲矣超一旦携酒食與之從
容徐謂之曰舅有深誠欲告外甥未知如何女

曰每感重恩恨無所答若力有可施必能赴湯
蹈火超曰潘將軍失却玉念珠不知知否女子
微笑曰從何知之超揣其意不甚密藏又曰外
甥可尋覓厚備繒絲酬之女子曰勿言於人某
偶與朋儕爲戲終却還與因循未暇舅來日詰
旦於慈恩寺塔院相候某知有人寄珠在此超
如期而往時寺門始開塔戶猶鎖女子先在謂
超曰少頃仰觀塔上當有所見語訖而去疾若

飛鳥忽於相輪上舉手示超歛然攜珠而下謂
超曰便可將還勿以財帛爲意超徑詣潘具述
其事因以金玉繒錦密爲之贈明日訪之已空
室矣

馮緘給事常聞京師多任俠之徒及爲尹密
詢左右引超具述前事訪潘將軍所說與超
符同

李鄴侯救竇庭芝

寶應年中員外郎竇庭芝分司洛邑常敬事卜者胡廬生每言吉凶無不必中如此者往來甚類長幼莫不傾蓋一旦凌晨入門頗甚嗟惋庭芝問之良久乃言君家大禍將成舉族恐無遺類卽未在旦夕所期亦甚不遠旣而舉家涕泣請問求生之路云非遇黃中君鬼谷子不可相救然黃中君造次難見但見鬼谷子當無患矣具述形貌服飾仍約浹旬求之於是竇與兄弟

羣從泊妻子奴僕曉夕求訪於洛下時李鄴侯有內艱居于河清縣因省覲親友策蹇驢入洛至中橋南遇大尹避道所乘驢忽驚逸而走徑入庭芝所居與僕者共造其門值庭芝車馬羅列將出忽見鄴侯皆驚殆而退俄有人出來云此是分司竇員外宅所失驢收在馬廐請客入座員外嘗願修謁如此者數四鄴侯不獲已就其廳事庭芝旣出降階而拜延接殷勤遂至信

宿至如妻孥孩稚咸備家人之禮數日告去贈
送殊厚但云貴達之辰願以一家為託鄴侯居
于河清信宿旁午於道及朱泚構逆庭芝方廉
察陝服車駕出幸奉天遂陷於賊庭芝及鑾輿返
正德宗首命誅之鄴侯自南嶽微廻至行在便
為宰相因第臣僚罪狀遂請庭芝減死聖意不
解云卿以為寧王懿親乎
庭芝姊為寧王妃
以此論之
猶不可然莫有他事俾其全活否卿但言之於

是具以前事上聞由是特原其罪鄴侯始奏上
密使中官夜乘傳陝州問之竇奏其事德宗曰
曩言黃中君蓋指於朕未知呼卿為鬼谷子何
也
或云李相先代靈城在清谷前濁谷後恐以此言之

續坤蹶馬

咸通軋符中京師醫者續坤
坤官為都水使者
頗得秦

和之術評脉知吉凶休咎至於得失時日皆可

預言
古者善醫道多矣迹其前事不過視徹膏肓有心解分劑未聞乎平診脉候見於蒼龜

之能也。適有燕中奏事大將暴得風疾，衆醫無不療之，不瘳。昇疾請坤投藥數服而愈。所酬金帛甚多，仍以邊馬一疋留贈。馬之骨相甚奇，然步驟多蹶，雖制以銜勒，加之鞭策，而欵段之性竟莫能改。坤以浪費芻粟，託人以賤價賣之。求駿者纔試，遂復如初。累月不售，隣伍間有王生，貿易於中，貴之門頗甚。貧窶，忽詣坤云：「有青州監軍將發，須鞍馬以備行李，亦知馳騁非駿，但欲

致於牽控之間，坤直以無用之畜付焉。亦不約鬻馬之價。王生經旬不至，謂其脫略。亡逸一旦復來，且輸十萬。坤既獲善價，因以十千遺之。俄見王生易衣裝，置僕馬。至於奴婢妻子服飾，皆鮮潔。或曰：「王生賣馬金帛，縑資幾三四百萬。坤甚驚，試詢其事。王生初不備說。坤曰：「某以無用之畜，獲價頗多，但驚駑劣之材，何以至此？」乃云：「初致馬於青社監軍，舉足如有羈絆，及將還途

康詩金 卷一
遇小馬坊中使因遣留試信宿而往不復見焉
密詢左右云數日前魏博曾進一馬毛骨大小
與此正同聖人常乘打毬駿異未有其偶將到
日方遣調習步驟縈轉如風今則進御數朝所
賜之物甚厚王生因大索其價遂以四十萬酬
之是以物之逢時亦有冥數不遇其主則駑驥
莫分乃知耨莘野築傅巖未遇良途奚異於此

龍待詔相笏

丁重相于
駙馬附

開成中有龍復本者無目善聽聲揣骨每言休
咎無不必中凡有象簡竹笏以手捻之必知官
祿年壽宋祁補闕有盛名於世搢紳之士靡不
傾屬屈指翹足期於貴達時永樂蕭相亦居諫
署同日請之授以所持竹笏復本執蕭相笏良
久置於案上曰宰相笏次至宋補闕笏曰長官
笏宋聞之不 相國曰無憑之言安足介意經
月餘同列於中書候見宰相時李朱崖方秉鈞

軸威震朝野未見間佇立閑談互有諧謔頃之
丞相遽出宋以手板障面笑猶未已朱崖目之
廻謂左右曰宋補闕笑某何事聞之者莫不寒
心股慄未旬日出爲河清縣令歲餘遂終所在
其後蕭相揚歷清途自浙西觀察使入判戶部
非久乃居廊廟俱如復本之言

自咸通軋符已來京國察相者殊多言事適中
者甚少愚之所識處士丁重善於相人吉凶屢
有奇驗于都尉方判鹽鐵頻有宰弼之耗時路
相國秉鈞持權與之不叶一旦重在新昌私第
值于公適至路曰某與之賓朋處士垂箔細看
此人終作宰相否備陳飲饌留連數刻既去問
之曰所見何如重曰入相必矣兼在旬月之內
路公笑曰見是帝王密親復作鹽鐵使爾重曰
不然請問于之恩澤何如宣宗朝鄭都尉相國
曰又宋可比乎重曰鄭爲宣宗注意久之而竟

不爲相豈將人事可以斟酌其熟識于侍郎今
日見之觀其骨狀真爲貴者其次風儀秀整禮
貌謙揖如百斛巨器所貯尚空其半安使不受
益於祿位哉苟逾月不居廊廟其無復敢至門
下路曰處士可謂弘遠矣其後浹旬果登台鉉
路相國每見朝士大爲稱賞由茲聲動京邑車
馬造門者甚衆凡有所說其言皆驗後居終南
山好事者亦至其所

孟才人善歌

孟才人善歌有寵於武宗皇帝嬪御之中莫與
爲比一日龍體不豫召而問曰我若不諱汝將
何之對曰以微眇之身受君王之寵若陛下萬
歲之後無復生焉是日俾於御榻前歌河滿子
一曲聲調悽切聞者莫不涕零及宮中晏駕哀
慟數日而殞禁掖近臣以小棺殯于殿側山陵
之際梓官重莫能舉識者曰得非候才人乎於

是輿櫬以殉遂寔于端陵之側是歲攻文之士
或爲賦題或爲詩目以爲馮媛班姬無以過也
所知者張祜有詩云偶因清唱詠謠頻奏入宮
中二十春却爲一聲河滿子下泉須弔孟才人
袁相雪換金縣令

李沂公鎮鳳翔有屬邑編厓因耨田得馬蹄金

一瓮

注漢書武帝詔云任者東嶽見金又有白麟神馬之瑞宜以黃金鑄麟狀以叶瑞應

蓋鑄金象馬蹄之狀其後民間效之里民送於縣署泐牒將至府

庭宰邑者喜於獲寶欲以自爲殊績慮公藏主
守不嚴因使置於私室信宿與官吏重開視之
則皆爲土塊矣瓮金出土之際鄉社悉來觀驗
遽爲變更靡不驚駭以狀聞於府王議者僉云
奸計換之遂遣理曹掾與軍吏數人就鞠案其
事獲金之社咸共證焉宰邑者爲衆所擠摧沮
莫能自白旣而詰辱滋甚遂以爲易金伏罪詞
欸具存未窮隱用之所遂令拘繫僕隸脅以刑

辟或云藏於糞壤或云投於水中紛紜枉撓結成獄具備以詞案上聞沂公覽之愈怒俄而因有筵席停盃語及斯事列坐賓客咸共驚嘆或云效齊人之攫或云有楊震之癖談笑移時以爲胠篋穿窬無足訝也時袁相公滋亦在幕中俛首略無詞對李公目之數四曰宰邑非判官親懿乎袁相曰與之無素李曰聞彼之罪何不樂之甚袁相曰某疑此事未了更請相國詳之

沂公曰換金之狀極明若言未了當別有見非判官莫探情僞袁相曰諾因俾移獄府中按問乃令閱箠間得三十五塊詰其初獲者卽本質在焉遂於列肆索金鎔寫與塊形相等旣成始秤其半已及三百斤矣詢其負擔人力二農工詎中昇至縣境計其負金大數非二人以竹擔可舉明其卽路之時金已化爲土矣於是羣情大豁宰邑者遂獲清雪沂公歎伏無已每言才

智不如其後履歷清途至德宗朝皆爲宰相
愚嘗聞金寶藏於土偶見者或變其質東都敦
化坊有麟迹見於興慶觀殿宇悉皆頽毀咸通
中畢相國再令營造基址間得巨瓮皆貯白金
理材者與工匠三十三人盡懼爲官所取乃輦
木梯葢之以候昏黑及夜各以衣物苞裹而歸
明日開之如堅土削成銀錠所說與此正同

郭鄴見窮鬼

通事舍人郭鄴罷櫟陽縣尉久不得調窮居京
輦委困方甚盼嚮間常有二物狀如猿猱衣以
青衣碧衣出入寢興無不相逐凡欲舉意求索
必謂與鄴俱往所造之間如礙枳棘匪惟干祿
不遂方且病於寒餒親友見之俱爲讐陳或厭
之以符術或避之於山林如此數年竟莫能絕
一夕處於淨室忽來告別云某等承君厄運不
相離者久焉今則候曉而行無復至矣鄴旣喜

其去遂詢所之云世路如某者甚多但人不見
耳今之所詣乃勝業坊王氏其家大積金帛將
往散之不久當竭鄴復問云彼之聚斂豐盈何
以遽令散去云先得計於安品子其餘水銷霧
散而曉鐘忽鳴遂失所在鄴既興漱便覺愁
憤開豁是日試詣親友無不改觀相接未涉旬
於政事堂見宰相自白遂除通事舍人鄴有表
弟張生者爲金吾衛佐交遊皆豪俠少年騁駿

好奇聞之未甚爲信知勝業坊王氏於左廣列
職其後往伺之王氏潤屋之資幾侷猗頓然爲
性儉約所費未嘗過分家有姬僕聲樂其間端
麗者至多外之炫服冶容造次莫迴其意一日
與賓朋驟過鳴珂曲有婦人靚粧立於門首王
氏駐馬遲留喜動顏色因召同列者命酒開筵
爲歡頗甚時張生預其末密訪於左右卽安品
子善歌是日歌數曲王氏悉以金綵贈之衆皆

訝其廣費自此輿輦資貨日輸其門每歡洽酒
酣略無所恡繇是治生之業漸屬他門未經數
年遂至貧匱

裴晉公天津橋遇老人

裴晉公度微時羈寓洛中常乘蹇驢入皇城方
上天津橋時淮西不庭已數年矣有二老人傍
橋柱而立語云蔡州用兵日久徵發甚困於人
未知何時得平定忽覩裴公驚愕而退有僕者

携書囊後行相去稍遠聞老人云適憂蔡州未
平須待此人爲將旣歸僕者具述其事裴公曰
見我龍鍾相戲爾其秋東府鄉薦幼年登第及
秉鈞衡朝廷議授吳元濟節鉞旣而延英侯對
憲皇以問宰臣裴公奏曰奸臣跋扈四十餘年
聖朝姑務含容蓋慮動傷一境未聞歸心効順
乃坐據一方若以旄鉞授之翻恐恣其兇逆以
陛下聰明神武藩鎮皆願勤王臣請一詔追兵

可以平蕩妖孽於是命晉公爲淮西節度使與
師致討時陳許汴滑三帥先於偃城縣屯軍晉
公統精甲五萬會之受律鼓行而進直造蔡州
城下纔兩月擒賊以獻淮西遂平後入朝居廊
廟六拜正司徒爲侍中中書令儒風武德振耀
古今洎留守洛師每話天津橋老人之事

狄惟謙請雨

會昌中北都晉陽縣令狄惟謙梁公之後守官

清恪有蒲密之政撫綏勤卹不畏強禦屬州境
亢陽涉歷春夏數百里水泉農畝無不耗斲枯
竭禱於晉祠者數旬略無陰暄之兆時有郭天
師者本并土女巫巫少攻符術多行厭勝之道有
監軍使將至京師因緣中貴出入宮掖其後軍
牒告歸遂以天師爲號旣而亢旱滋甚闔境莫
知所爲僉言曰若得天師一到晉祠則災旱不
足憂矣惟謙請於主帥主帥難之惟謙曰災厲

流行吐糜焦灼若非天師一救萬姓恐無聊生
於是主帥親自爲請巫者唯而許之惟謙乃具
車輿列幡蓋迎於私室躬爲控馬旣至祠所盛
設供帳豐潔飲饌自旦及昏磬折於庭堦之下
如此者翌日語惟謙曰我爲爾飛符于上界請
雨已奉天帝之命必在虔懇至誠三日雨當足
矣緣是四郊士庶奔走雲集三夕于茲曾不降
雨又曰此土災沴所興亦由縣令無德我爲爾

再上天請七日方合有雨惟謙引罪於已奉之
愈恭俄而又及所期略無霑霑郭乃驟索馬入
州宅惟謙拜留曰天師已爲萬姓此來更乞至
心祈禱於是勃然而怒罵曰庸瑣官人不知道
理天時未肯下雨留我將復奚爲惟謙謝曰非
敢更煩天師候明旦排比相送耳於是惟謙宿
誠左右曰我爲巫者所辱豈可復言爲官明晨
別有指揮汝等或須相稟是非好惡縣令當之

及曉伺門未開郭已嚴飾歸騎常供設肴醴一
無所施坐於皇堂大恣呵責惟謙曰左道女巫
妖惑日久當須斃在茲日焉敢言歸叱左右坐
於神前鞭背三十投於潭水祠後有山高萬千
丈遽令設席焚香從吏悉皆放還簪笏立於其
上於是合縣駭愕云長官打殺天師馳走者紛
紜觀者如堵是時炎旱累月礫石流金晴空萬
里略無纖翳祠土忽有片雲如車蓋俄頃漸高

先覆惟謙立所四郊雲物隨之而合雷震數聲
甘澤大澍焦原赤野無不滋潤於是士庶數千
自山頂擁惟謙而下州將以杖殺巫者初亦怒
之既而精誠有感深加嘆異與監軍發表上聞
俄有詔書褒獎賜錢五十萬寵賜章服爲絳隰
二州刺史所理咸有政聲

勅書云狄惟謙劇邑良才忠臣華胄覩此天厲
將瘳下民當請禱於晉祠類投巫於鄴縣曝山

椒之畏景事等焚軀起天際之油雲法同翦爪
遂使旱風潛息甘澤旋流天心猶鑒於克誠余
志豈忘於褒善特頒朱紱俾耀銅章勿替令名
更昭殊績

王侍中題詩

王侍中智興武略英奇初授徐方節制雄才磊
落有命世間生之譽幕府旣開所辟皆是儒者
一旦從事於使院會飲與從容賦詩頃之達於

王公乃召護軍俱至從事乃屏去翰墨但以杯
盤迎接良久問之曰適聞判官與諸賢作詩何
得見某而罷遽令却取筆硯復以綵牋數十幅
散於座衆賓相顧遲疑將俟行觴舉樂復曰本
來欲觀製作非以飲酒爲意時小吏亦以牋翰
置於王公之前從事禮爲揖王公曰前某以齧
略發迹未嘗留心章句今日陪奉英髦不免亦
陳愚懇遂乃引紙援毫頃刻而就云平生弓劍

自相隨剛被郎官遣作詩江南花柳從君詠塞北烟塵我自知四座覽之驚嘆無已咸云忠烈

詞彩雖曹景宗賀若弼無以加也

曹景宗於御座探韻賦詩

云去時兒女悲歸來笳鼓竟借問路傍人何如霍去病宋帝覽之稱賞無已又隋將賀若弼贈源雄詩云交河驃騎幕合浦伏波營莫使騏驎上無我二人名

時文人張祜亦

預此筵監軍謂之曰觀茲盛事豈得無言祜即

席為詩以獻云古來英傑動寰區武德文經未

有餘王氏柱天勲業外李陵章句右軍書王公

覽之笑曰褒飾之詞可謂無所愛惜左右或

曰書生之徒務為諂佞王公叱之曰有人道我

惡汝輩又肯否張秀才海內知名篇什豈易得

天下人間且以為王智興樂善矣留駐數月贈

行以絹千匹其後移鎮蒲津子晏平仗節靈武

四遠多士翕然歸向風烈遺芳迄于今日

道流相夏侯譙公

張侍郎為河陽島司徒從事同幕皆至有道士

殷九霞來自青城山有知人之鑒烏公問以年
壽官祿九霞曰司徒貴極藩服所望者秉持鈞
軸建茅土惟在保守勲庸苞貯仁義享福隆厚
殊不可涯既而遍問賓僚九霞曰其間必有台
輔時烏公器重裴副使應聲曰裴中丞是宰相
否九霞曰若以目前人事言之當如尊旨以某
所觀卽不在此時夏侯相國爲館驛巡官形質
低悴烏因戲曰裴副使不作宰相莫是夏侯巡

官否對曰司徒所言是矣烏公撫掌而笑曰尊
師莫錯否九霞曰某山野之人早修直道無意
於名宦金玉蓋以所見任直而道耳烏公曰如
此則非某所知也然其次貴達者爲誰曰張支
使雖不居廊廟履清途亦至榮顯旣出遂造張
侍郎所居從容謂曰支使神骨清爽氣韻高邈
若以綬冕累身至於三二十年居於世俗儻能
擺脫囂俗相逐學道卽三十年內白日昇天某

康誥錄 卷一 三十一
之此行非有塵慮實亦訪尋修真之士耳然閱
人甚多無如支使者張以其言意浮濶但唯之
而已將去復來情甚懇至審知張意不廻頗甚
嗟惜因留藥數粒并黃紙書一緘而別去云藥
數粒服之可以無疾書紀宦途所得每一遷轉
密自啓之書窮之辰當復相憶其後譙公顯赫
令名再居鼎鉉張果踐朝列出入臺省佩服朱
紫廉察數州書載之言靡不詳悉年及三紀時
爲戶部侍郎書之所存蓋亦無幾雖名位通顯
而齒髮衰退每言道流之事話於親友追想其
風莫能及矣

華山龍移湫

咸通九年春華陰縣南十餘里一夕風雷暴作
有龍移湫自遠而至先是崖壠高亞無貯水之
所此夕廻從數丈小山從東西直亘南北峯巒
草樹一無所傷碧波廻塘湛若疏鑿京洛符旅

無不枉道而觀有好事者自輦轂蒲津相率而至車馬不絕逮於累月京城南靈應臺有三娘子湫與崖相近水波澄明莫測深淺每秋風搖落未嘗有草木飄汎其上或覩片葉纖莖必有飛鳥銜而去之祈禱者多致花鈿粉黛及綺羅之類啓祝投之歟然而沒乾符初有朝士數人同遊終南山遂及湫所因話靈應之事其間有不信者試以木石投之俄有巨魚躍出波心鱗甲如雪忽有風雨冥晦車馬幾爲暴水所漂邈後人愈敬之莫有敢犯者

田膨郎偷玉枕

文宗皇帝常持白玉枕德宗朝于闐國所獻追琢奇巧蓋希代之寶置於寢殿帳中一旦忽失所在然而禁衛清密非恩澤嬪御莫能至者珍玩羅列他無所失上驚駭移時下詔於都城索賊密謂樞近及左右廣中尉曰此非外寇入之

爲盜者當在禁掖苟求之不獲且虞他變一枕
誠不足惜卿等衛我皇宮必使罪人斯得不然
天子環列自茲無用矣內官惶慄謝罪請以浹
旬求捕大懸金帛購求略無尋究之所聖旨嚴
切收繫者漸多坊曲閭巷靡不搜捕有龍武二
番將軍王敬弘常蓄小僕年甫十八九神彩俊
利使之無往不屆敬弘曾與流輩於威遠軍會
宴有侍兒善鼓胡琴四座酒酣因請度曲辭以

樂器非妙須常御手者彈之鐘漏已傳取之不
及因起解帶小僕曰若要琵琶頃刻可至敬弘
曰禁鼓纔動軍門已鎖尋常汝豈不見何言之
謬也既而就飲數巡小僕以繡囊將琵琶而至
座客歡笑曰樂器本相隨所難者惜其妙手南
軍去左廣迴復三十里入夜且無行伍旣而倏
忽往來敬弘驚異如失時又搜捕嚴緊意以竊
盜疑之宴罷及明遽歸其第引而問曰使汝累

年不知趨捷如此我聞世有俠客汝莫是否小
僕謝曰非有此事但能行爾因言父母俱在蜀
中頃年偶至京國今欲却歸鄉里有一事欲以
報恩偷枕者已知姓名三數日當令伏罪敬弘
曰如此卽事非等閑因茲令活者不少未知賊
在何許可報司存掩獲否小僕曰偷枕者田膨
郎也市廛軍伍行止不怛勇力過人且善超越
苟非伺便折其足雖千兵萬騎亦將奔走自茲

再宿候之於望仙門伺便擒之必矣將軍隨某
觀之此事仍須秘密是時涉旬無雨向曉埃塵
頗甚車馬踐踏人不相見膨郎與少年數輩連
臂將入軍門小僕執毬杖擊之歛然已折左足
仰而觀之曰我偷枕來不怕他人惟懼於爾旣
而相值豈復多言於是昇至左軍一教而伏上
喜於得賊又知獲在禁旅引膨郎臨軒詰問具
陳常在宮掖往來上曰此乃任俠之流非常竊

康言錄 卷一 三十三
盜內外囚繫數百於是悉令原之小僕初得彭
郎已告敬弘歸蜀於是尋之不可但賞敬弘而
已

洛中大水

咸通四年秋洛中大水苑囿廬舍靡不淹沒厥
後香山寺僧云其日將暮見暴水自龍門川北
下有如決江海鼓怒之間殷若雷震有二黑牛
出於水上掉尾躍空而進衆僧與居人憑高望

之謂城中悉爲魚矣俄見定鼎長夏二門陰墮
忽開亦有青牛奮躍而出相去約有百步黑牛
奔走而迴向之怒浪驚瀾翕然遂低數丈是夕
飄溺尤甚京邑遂至蕭條十餘年間尚未完葺
先是皇城守闈者白晝聞五鳳樓中有人歌云
天津橋畔火光起魏王堤上看洪水時鄭相國
涯留守洛師聞之以爲妖妄經月餘從事宴罷
夜歸執燭者有火燼遺落騎從纔過烟焰已高

康言金
救之不及遂燒其半及涼將興穀洛先漲魏王
與月波二堤俱壞乃明鬻者之言

李朱崖知白令公

白中書方居郎署未有知者唯朱崖李相國器
之許於搢紳間多所延譽然而資用不充無以
祇奉僚友一旦相國遺錢十萬俾爲酒肴之備
約省閣名士數人尅日同過其第時秋暮陰沉
涉旬霖瀝賀拔基員外求官未遂將欲出京薄

遊與白公同年登第羸駒就門告別閣者以方
俟朝客乃以他適對之賀拔基遂駐車留書備
述羈遊之意白公覽書歎曰丈夫處世窮達當
有時命苟不才以僥倖取容未足爲發身之道
豈家蓄美饌止邀當路豪貴曩時登第貧交今
日閉關不接縱使便無榮顯又安得不愧於懷
遽令僕者命賀拔基回車遂以杯盤同費俄而
所約朝賢聯騎而至闔者具陳賀拔基從容無

不愧愕而去翌日於私第謁見相國詢朝士來者爲誰白公對以賓客未至適有同年出京訪別憫其龍鍾委困不忍棄之留飲數杯遂闕祇接旣負吹噓之際甘從譴斥之罪相國稱賞逾時云此事真古人之道由茲貴達所以激勸澆薄不旬月自使下評事先授美官白公以庫部郎中入爲翰林學士未逾三載便秉鈞衡其後五鎮藩維再居廊廟蹈義懷仁而終始一致流芳傳素士林美之大中初邊鄙不寧土蕃尤甚恣其倔强宣宗欲致討伐遂於延英殿先問宰臣公首奏興師請爲統帥公邊藩鎮兵士數萬鼓行而前時犬戎列陣平川以生騎數千伏藏山谷旣而得於謀者遂設奇兵待之有蕃中首帥衣緋茸裘繫寶裝帶所乘白馬駿異無比鋒鏑未交揚鞭出於陣面者數四頻召漢軍鬪將白公誠兵士無得應之俄而駐軍指揮背我師

百餘步而立有潞州小將驍勇善射請快馬彎
弧而出連發兩矢皆中其項躍馬而前抽短劍
踏於鞍上以手扶挾如鬪敵之狀蕃將士卒但
呼譟助之於是脫緋裘解金帶奪馬而還師旅
無不奮勇旣大戰沙漠虜陣瓦解土崩乘勝追
奔幾及黑山之下所獲馳馬輜重不可勝計束
手而降三四千人先是河湟關郡界內在匈奴
自此悉爲內地宣皇初覽捷書云我知敏中必

殄兇醜白公凱旋與同列宰相進詩云一詔皇
城四海頌醜戎無數束身還戍樓吹笛人休戰
牧野嘶風馬遶閑河水九盤收數曲隴山千里
鏃諸關西邊北塞今無事爲報東南夷與蠻馬
相植詩云舜德堯仁化犬戎許提河隴歎皇風
指揮貔武皆神筭開拓乾坤是聖功四帥有征
無汗馬七關雖戍已磔弓天留此事還英主不
在他年在大中魏相扶詩云蕭關新復萬山川

古戍秦原象緯鮮戎虜乞降歸惠化皇威漸被
攝腥膻穿廬遠戍烟塵滅神武光揚竹帛傳左
衽盡知歌帝澤從茲不更備三邊雀相鉉詩云
邊陲萬里注恩波宇宙羣方洽凱歌右地名王
爭解辦遠方戎壘盡投戈烟塵永息三秋戍瑞
氣遙清九折河共遇聖明千載運更觀俗阜與
時和

稽古堂訂正劇談錄卷上

終

